



# Arubaanse Courant

Aña 26.

DIALUNA 10 AUGUSTUS 1964

No. 5103.

## Straaljager Turco ta ataca Cyprus otro vez

LONDRES, 10 aug. - Consejo di seguridad dia-  
domingo mainta a reuni den un sesion urgente  
pa trata e recien desarollonan peligroso den ec-  
risis na Cyprus. E peticion pa un tal reunion a sali  
pa trata e recien desarollonan peligroso den e cri-  
sis na Cyprus. E peticion pa un tal reunion a  
sali di tur e tres partidonan cu directamente ta  
relaciona, entre otro, di Cyprus mes, Grecia  
y Turkia. Turkia den un carta ne consejo a  
acusar e Chipriotanan Griego di ta intenta di opri-  
mi e comunidad Turco na Cyprus cu violancia.  
Turkia a pidi e consejo pa actua inmediatamen-  
te.

E prome minister Griego Pa-  
ndreoe, a haci un peticion ur-  
gente ne Chipriota, ar-  
zobispu Makarios pa inmediata-  
mente pone un fin na tur opera-  
cionnan militar ne isla. Mi ta  
haci e apelacion aki riba abo en  
acuerdo que resolucianan rela-  
cionala acepta pa Nacionnan Uni.  
Meste trata pa hanja un solucion

pacifico pe kestion Chipriota, se-  
gun e minister president Griego.

President Johnson a declara na  
un conferencia di prensa na John-  
son City na Texas, cu Merca ta  
preocupa pe recien hechonan di  
violencia, que chipriotanan Turco  
y Griego ta comete contra otro.  
El a declara, cu Merca, ta apo-  
ya fuertemente e intentonan dje  
forza di paz di Nacionnan Uni na  
pone un fin ne lucha na Cyprus,  
caminda por lucha despues pa un  
solucion pacifica dje kestion Chi-  
priota.

Avionnan jet antayeranochi a a-  
taca polis na noordwest di Cyprus  
cu raketnan. Tambe e haf di Xe-  
ros a worde ataca. Abordo di un  
dje dos avionnan Turco cu ta ata-  
ka tabatin un explosion, caminda  
despues e avion a cai. E piloto a  
bula cun paracaida y a logra al-  
cansa suela. Chipriotanan Griego  
a cohe presu despues. E otro a-  
vion Turco di caza a continua  
que ataque. Un bapor Chipriota  
Griego den haf di Xeros a wor-  
de bombardia y a pega candela.  
Cincu tripulante a muri y 13 a  
keda herida.

Un bosero di Nacionnan Uni a  
anuncia na Nicosia que avionnan  
jet Turco awenochi a bombardea e  
luga Griego Chipriota Pakhyamos.  
Na Ankara a ser anuncia cu avio-  
nan jet Turco, awe tardi a cumin-  
sa ataca e posicionnan Griego  
Cyprita den territorio di Mansoe-  
ra den Noordwest di Cyprus.

Secretario general di Nacion-  
nan Uni Oe Thant a ricibi un o-

## Pronto mas satelite Mericano

CALIFORNIA, 10 Aug. - Base ae-  
rea Vandenberg California e ofi-  
cina Mericano pa viahe espacial  
y aerea a participa, cu pronto, ki-  
zas foi diabierne proximo un sa-  
telite nobo pa pronosticacionnan  
di weer lo worde lansa. E sate-  
lite lo fotografia henter e capa di  
nubla rond di mundu cada 24 ora.

la di noticianan di su represen-  
tantenan na Cyprus. E ta consi-  
dera e situacion den e pais aki  
serio. E embahador Britanico na  
Athena Murray, a dirigi un dis-  
curso masha urgente pe minister  
Griego di asuntunan exterior Cos-  
topoulos dencua e ta insisti den  
number di su gobiernopahacitir  
loke e por pa hanja un solucion  
pacifica dje kestion Chipriota.  
Minister Costopoulos despues  
a declara periodistanan cu el a  
segura e embahador Britanico  
cu Grecia, mescos cu te awor  
lo lucha pa alcanza un tal solu-  
cion.

Funcionarianan dje ministerio  
Mericano di asuntunan exterior  
a anuncia, cu ne vuelonan di re-  
conocimentu nan no a mira nin-  
gun rastro di un flota Turco di  
invasion den cercania di Cyprus.

E gobierno Griego Chipriota no  
solamente a pone consejo di se-  
guridad por medio di su dele-  
gado cera Nacionnan Uni, Ros-  
sides, na altura dje invasion  
riba nan, pero a dirigi nan mes  
tambe directamente pe gobierno  
Mericano. Esaki despues a tu-  
ma contacto dos biaha cu Anka-  
ra, caminda a wordu desmenti,  
cu un flota di invasion a sali  
pa laman. Tampoco e vuelonan

## BISANOS

E motibo pakiko mi  
ta haya "Arubaanse  
Courant" un diario  
asina bon, pa su a-  
nuncionan comer-  
cial.

Nelson Vrolijk,  
Shi. 4.

## Situacion critico na Vietnam

VIETNAM, 10 Aug. - Frontera di  
Vietnam del Norte e prome minis-  
ter di Vietnam del Sur, general  
majoor Nguyen Khanh, awe a han-  
ja un resumen corticu dje situa-  
cion ne frontera mientras cu tan-  
tu reforzanan di trupanen Noord  
Vietnames como Sur Vietnames ta  
ser trese, cerca dje riu Ben Hai  
cu ta marca e frontera. Observa-  
dornan a bisa, que movimentu di  
trupanen na ambos banda dje riu  
no ta hopi.

Mericano di reconocimentu no a  
trese ningun indicacion di un  
invasion.

Avionnan Jet Turco awe a  
ehecuta ataquenan riba posicion-  
nan Griego militar den noordwest  
Continuacion pag. 2

## Apoyo militar pa Kongo

BRUSELAS, 10 aug. - Merca y  
Belgica a bai di acuerdo, pa por  
lo pronto no duna gobierno Con-  
goles di prome minister Tsjo-  
be apoyo militar na su lucha  
contra rebeldenan di Soemialot,  
segun anuncia for circulanon bon  
informa.

Soemialot, a avisa, cu nan lo  
suspende e proteccion di Belgo-  
nan den e teritorio ocupa pa  
revolucionarianan, si resulta, si  
e Belgonan ta miembro dje tru-  
panan di gobierno. (E cantidad  
di Belgonan cu ta biba na Con-  
go ta 40.000)

E trupanen di Soemialot ta go-  
berna actualmente segun calcula  
mitar dje teritorio Congoles.

E sub minister Mericano di  
asuntunan exterior pa asuntunan  
politico, Averell Harriman awe  
a bisa na su salida pa Washing-  
ton cu e y e minister Belgo  
di asuntunan exterior Paul Hen-  
ri Spaak, a bai di acuerdo pa  
expande e ayudo pa Congo. Tam-  
be nan a dicidi pa keda den con-  
tacto en relacion cu e desarol-  
lonan dje situacion akinan.

## FATUM

Pa tur bo aseguronan  
Tel. 1845.

4 Persona a muri ora cu anta-  
yera tardi un avion particular  
typo Pipercomanche a cai ne  
aeropuerto di Cork. Esaki te  
prome desgracia ne aeropuerto  
aki su inauguracion tres anja pa-  
sa.



LABOR CU NUNCA TA  
VARIA

IT NEVER VARIES.



Diasabra atardi nos tabatatin oportunidad di mira un campeon di "skeet" den accion ariba e shoo-  
ting range di señor Carlos Kelkboom. Señor Otto Londonjo campeon di "skeet" na Colombia a resul-  
ta di ta un bon "trap-shooter" tambe. Hunto cu señor Kelkboom y un amigo di dje señor Gilberto  
Escobar, señor Londonjo a duna un demostracion diasabra atardi di loke e por cu un scopet.  
Ariba e foto nos ta mira di robey pa drechi, señor Kelkboom, señor Escobar, y señor Londonjo. E  
dos caballeronan bishitante di Colombia tur dos ta practica dor di deporte cu scopet. Nos fotografo  
tambe tabatin oportunidad di los alguntiro ariba clay birds ariba invitacion di sr. Kelkboom, pero mien-  
tras cu señor Londonjo a raka binti di binti cinco clay birds, nos fotografo no a raka ni uno, tur tiro  
a pasa algun milla leuw for di e clay-bird nan.

# Straaljager Turco

Continuacion di pag. 1

di Cyprus. Un bosero Turco di gobierno, a menciona algu di 64 avion. Avionan Turco, awe tardi a ataca finnan militar den teritorio di Erenkoy na Cyprus, segun e bosero Turco.

Segun un bosero dje gobierno Chipriota Pomos tabata na candel. Avionnan jet Turco a ataca tambe i otro luga.

Gobierno Turco a dicidi di reanuda e ataquenan aerea, pasobra e ataquenan riba Chipriota-nan Turco den noord west di Cyprus, principalmente riba muher y muchanan, apesar di un apelacion di president Makarios a continua, segun e bosero Turco.

Gobierno di Cyprus a avisa Turkia cu su trupanan lo habri un ofensivo contra tur luganan Turco Chipriota riba e isla, si e ataquenan dje forza aerea Turco, finalisa ayera tardi mitar di 4.

Un bosero di Nacionan Uni ayera a declara cu e situacion na Cyprus ta tenso, maske cu ayeranochi tabata hopi ketu riba e isla, tambe den teritorio di Kochina. Den un declaracion duna awe mainta tempran pe gobierno Chipriota a ser bisa, cu te caminda conosi, a muri ne ataquenan aerea Turco di ayera 33 Chipriota Griego y 230 a keda herida.

E gobierno a dirigi su mes pa varios pais y organisacionnan internacional cu e peticion pa manda remedinan pe victimanan, segun e declaracion. E staf general Griego, cu a reuni ayeranochi bow di direccion dje minister di defensa a dicidi di no tuma pe momento aki ningun iniciativa tocante Cyprus, esta si e Turconan no bolbe ehecuta ataquenan nobo, segun anuncio di fuente fidedigno.

Gobierno Chipriota awe mainta tempran, despues di un reunion cu a dura henter anochi, a dicidi di pidi inmediatamente ayudo di Rusia, Egipto y Syria, cu bisa riba un invasion Turco, cu segun ta ser supone ta pronto, y posible continuacion dje ataquenan aerea Turco riba e isla.

Tambe nan a pidi asistencia pasobra ayeranochi a ser mira na un distancia di mas o menos 30 km dje costa noord di Cyprus, seis bapor Turco di guerra probablemente destroyernan. E prome minister Griego Papandreou, a bisa cu maske cu e Chipriotanan Griego a stop e hostilidadnan, e Turconan a continua cu nan ataquenan aerea, cu no ta justifica mas.

Grecia no por keda indiferente contra e invasion aki, segun e prome minister Griego.

Circuionan Turco a participa antayeranochi, cu e vuelonan di avionnan jet Turco riba Cyprus lo continua awe. E ministerio Turco di defensa ayeranochi a anuncia que forza Turco aerea den teritorio di Mansoera y Kochin na Cyprus, a duna perdanan grandi na objectonan Griego militar. Segun circuionan Turco e ciudad litoral Polis ta destrui y cu nan a sink akinan cinco bapor. Un di esakinan tabata transporta municion y a bula. Radio Turco ta transmiti entre otro entre pausanan un peticion pa duna sanger. E banconan di sanger lo keda henter awe habri, tambe ayeranochi.

Funcionarionan Mericano na Washington a bisa ayera cu Merca a insisti cerca Grecia, Turkia y Cyprus, pa realisa un armisticio. E di seis flota Mericano den Mediteraneo segun nan te ainda no a ricibi ordenan special.

## Min. Jonckheer ta recibi delegacion di ambtenaar

ORANJESTAD, 10 Aug. - Dia 18 venidero pa diez'or di mainta, ministro presidente di Antillas lo ricibi un delegacion di ambtenaarnan di Antillas consistiendo di miembronan di directiva diario di Algemene Nederlands Antilliaanse Ambtenaren Federatie. Den e bond aki ta traha conhunto. Algemene Nederlands Antilliaanse Ambtenaren Bond Aruba y Algemene Nederlands Antilliaanse Ambtenaren Bond Curacao, R.K. Vereniging naren Federatie. Den e bond aki ta traha conhunto, Algemene Nederlands Antilliaanse Ambtenaren Bond Aruba y Algemene Nederlands Antilliaanse Ambtenaren Bond Curacao, R.K. Vereniging van Onderwyzend Personeel te Curacao "Don Bosco", R.K. Vereniging voor Onderwyzend Personeel op Aruba "St. Thomas" y Bond van Gepensioneerden der Nederlandse Antillen. Durante di encuentro cu premier e siguiente puntonan lo worde treci adilanti.

1. E representacion di e ambtenaarnan den Raad van Toezicht ariba fondo di pensioen.
2. Aumento di duurtetoelag en connexcion cu e gastonan aumentan den mantencion of tuma medida door di cual ta bin un balanza igual entre e salarionan y prijsnan.
3. Nombracion di un miembro di Raad van Beroep propone door di Ambtenarenbond.
4. Dunamento di casnan di gobierno y servicio, creamento di e posibilidad pa cumpra e casnan di gobierno door di e huurdonan y dunamento di huur compensatie pa esnan cu no tin e capacidat financiero.
5. E oranan di trabao di e diferente servicionnan.
6. Eliminacion di e reglamento cu maestronan di school cu ta casa cu ambtenaar ta gana menos cu un casa cu no ambtenaar.
7. Incorporacion di duurtetoelag eventualmente cuminsa cu ambtenaarnan cu tin di worde nombra.
8. Un cambio of sistema nobo encuanto deliberacion organisa den casonan di ambtenaarnan.

## Asesinonan di Klu Klux Klan a ser di schors

ATLANTA, 10 aug. - 4 persona cu algun dia pasa, a keda aresta na Atlanta (Georgia) en relacion cu e asesinato riba e coronel di colo Lemuel Penn tras di stuur di su auto, a ser e schors como miembronan di Ku Klux Klan. E dragon grandi di Georgia, cu a participa esaki ayera a agrega, cu e medi da aki automaticamente ta ser pone den ehecucion riba cada miembro dje organisa cion, cu ta relaciona na un asunto serio di justicia. Den caso di condenacion e miembronan aki lo wordu royeer.

Cumpra bo tairanan

**Continental**

awor y laga nos monta nan

GRATIS pa bo.

Tur tamenjo na existencia.

**E. & G. MARTIJN (ARUBA) N.V.**

Havenstraat 10-12  
tel. 1492 - 1493



*Exquisita Fragancia*



Gracias na nos extension nos por ofrece awor un surtido enorme di **MUEBLES** y **FUERO.**

Bunita material, cu por worde admira pa tur hende na nan smaak den nos show-room den e edificio nobo.

Pasa pronto!  
Pa e mueblesnan di mas bunita, tin solamente un direccion:

**La Linda**



**BOTICA ARUBA**

Personal competente

+ Maquinaria moderna

= Servicio excelente.

Jama No. 1080 - 1081 of 1180

y nos ta busca bo recept y entrega e remedio na bo cas.

**GETROUWD**

Jose Eusebio Vargas

EN

Luisa Mercedes Sneek

Venezuela, 8-8-64


Verbeter uw positie  
Studeer bij de

**St Gerardus cursus Aruba**

Cursussen voor steno Holl, Engels en Spaans.  
Aanvang: 10 Aug.  
O'stad tel: 3268, San Nic.tel. 5365.

Cu un **FLOOR-POLISHER ELECTRICO**

oo vloernan ta lombra manera spiel.



Mas higienico, mas rapido, mas economico!  
Esey REDDY KILOWATT ta garantisa bo!

**ARUBA PEST**

**CONTROL CO.**

- \* Extermination of household pests
- \* Elimination of termites
- \* Soil treatment
- \* Free estimate on request.



Please call: 5039 - 5558.

**BO A PIDI**

**GAS CABA?**

1898 - 1198



**TA BENDE**

- 1 set di steno
- 1 Televisor "Admiral"
- 1 stoof di gas (Casi nobo)
- 1 cashi pa boeki
- 1 Lampi pa plafond
- 1 floor-polisher (Electrolux)
- 1 cama pa baby y varios articulos mas pa cas.

Pa mas inf. Acudi na Longfellowstraat 5. tel: 2293.

**TA BENDE**

- Stoof di gas, completo cu 2 botter di gas.
- Nevera
- Cashi pa panja, pa un persona.
- 2 cashi pa boeki. Tobo y varios mat.
- Y demas articulos pa cas.

Acudi na: Kazernestraat 1, of jama tel: 5141.





*Si, mi ta tuma nota...*  
**Dia 22 di AGOSTO, esta aki 12 dia**  
*cerramento di e grandioso concurso di*  
**REY DE COPAS!**  
*Si, esey mi sa, tur loke mester haci ta:*

Simplemente duna un number bunita  
 na e 4 papchinan den Show-window di  
 oficina di Rey de Copas y gana placa

**REGLANAN PA PARTICIPA DEN E CONCURSO**

- 1) Entrega 1 botter bashi di Rey de Copas di 1/2 gallon of 2 botter bashi di Ron Rey de Copas di 3/4 liter of 4 botter bashi di Ron Rey de Copas di 24/2 of 8 botter bashi di Ron Rey de Copas di 48/4 na Aruba Distilling Co., Wilhelminastraat No. 47 y bo ta hanja un formulario pa yena bo number y direccion y e nombenan pa e cuater rumannan.
- 2) Entregá e formulario aki yená na oficina di Aruba Distilling Co., Wilhelminastr. No. 47 y percura pa bo recibo, cu ta pega na e mes formulario, ricibi su stempel di entrega.
- 3) Warda dia 22 di agosto 1964 y cobra bo placa si e nombenan cu bo a duna ta e nombenan favorecé.
- 4) E mes persona por yena cuantun formulario cu e ta desea, contal cu e entregá pa cada formulario e cantidad di botter bashi requerido.
- 5) Si tin mas cu un beneficiado, e premio ta ser parti den esnan cu tin e nombenan escogí.
- 6) Exigi pa bo recibo tin un stempel di Aruba Distilling Co.

**SEMPER E FAVORITO**  
**RON REY DE COPAS**  
 EL REY DEL TRAGO

**NOTA:**

Directiva di Aruba Distilling Co. ta e unico entidad responsable pa scogemento di e nombenan. E nombenan aki lo no ser scoge pa suerte y si e nomber aki ta igual na cualkier nomber cu surgi pa algun acontecimiento, esaki ta debido na pura casualidad.



**REY DE COPAS**


**ARUBA DISTILLING CO.**

**Wilhelminastr. 47**

**Tel. 1266**



Hoy lunes 10 de agosto, se cumplen 27 años de la fundación de la Sociedad Bolivariana de Aruba, entidad de indiscutible significado en el ascenso del nivel cultural de esta Isla, e inspiradora de otras instituciones similares de carácter oficial y privado que surgieron después.



Toda persona consciente sabrá valorar en su justa medida la ingente labor desarrollada durante el lapso de dos décadas, un lustro y dos años, desplegada por los integrantes de este meritorio Centro, que ha contribuido, entre otros aspectos de sus actividades, a formar conciencia y práctica de ejercicios artísticos en el pueblo arubano, así como a estimular y a ensanchar las fronteras de la sociabilidad entre los distintos grupos de nativos y extranjeros que pueblan la isla, haciendo buenas, en este último sentido, las expresiones que formulara en el acto de inauguración del Edificio, Su Excelencia, el entonces Tte. Gobernador, el Hon. Mr. Isaac Wagemaker (Q.E.P.D.): -"Espero que los componentes de las 42 razas que integran la colonia extranjera residente, hallen abiertas, para su ingreso, las puertas de esta Sociedad".



Recordemos con simpatía a los Fundadores de esta Casa de Cultura, en especial, a su Iniciador, Mr. W.H. Jolley, (Q.E.P.D.), y tributemos un testimonio de reconocimiento a los que aún superviven, entre ellos al conosido Jesús M. Portillo A.; al dilecto Lufs G. Leanez, y particularmente a esas dos cumbres del bolivarismo antillano que responden a los nombres de: S.N. Ecury y Jorge G. de Castro, quienes, no obstante las decepciones, desacuerdos e ingratitudes que los humanos hallamos en la tierra, habrán advertido que, la inversión de valores materiales y espirituales que han hecho, han rendido dividendos de espiritualidad, cultura y civilización a la comunidad!

## PRAVDA KIER PROHIBICION DI VODKA

Moscu, -- UPI -- Ecorant Pravda, organo die Partido Comunista, a bisa qu e rusionan a tuma cantidadnan di bebida alcoholico, y a constiui un amensasa pa e "dushi bida" di comunismo, y a crea e posibilidad di qu nan lo prohibi e benta na Europa. Reconociendo qu ta existi un problema di tipo nacional cu e burachénan, funcionarionan di e partido a previni qu acaso e unico forma di cura e alcoholico nan lo ta un aña di trabao forsa y atencion medico obligatorio. E corant ta previni qu e prome ministro Nikita S. Kruschev, recientemente a advirti di qu "ta necesario pa hasi algu contra e burachénan qu ta habri famia nan for di otro, stroba orden publico y ta obreronan malu." E corant ta agregá qu Gobierno a limita benta di Vodka na aña 1958 y qu ta posibel qu e medidanan aki lo bolbe worde hasi....

President Johnson a declara awe cu cada aumento di prijs door dje companianan Mericano di staal, ta contra e interes dje pais y mantencion di estabilidad di prijsnan

# elga

DISTRIBUIDOR DI: WESTINGHOUSE - HOOVER - FACIT - TELEFUNKEN - MORPHY RICHARDS TA INVITABO BIN BISHITA NAN SHOWROOM NOBO DEN NASSAU-STRAAT Y PARTICIPA DEN NAN GRAN APERTURA QUIZ.

TUR SIMAN ELGA TA DUNA UN APARATO ELECTRICO COMO REGALO. PA CADA CUMPRADOR DI 5 FLORIN OF MAS NA ELGA, Y BO CONTESTA CORRECTO; BO POR TA E FELIZ GANADOR DI UN DJE REGALONAN AKI.

Pasa awe mes na Elga - y tira un bista rond den nos extenso surtido di articulo pa uso di cas.

## NOTICIA IMPORTANTE PA MUJERNAN CASA

Alivia bo preocupacion coe PROTECCION POSITIVO.

Rond mundoe mujernan tin confianza den Norforms. Norforms tin un formula altamente perfeccioná, coe la consisti di ingredientenan special, den cual bo ta hanja:

### PROTECCION POSITIVO

... pa resolve bo problema mas intimo di matrimonio. Norforms la diriti na temperatura di curpa y su ingredientenan antiseptico ta forma un filmo germicidal, fuerte y a la vez suavizante coe ta duna:


### PROTECCION POSITIVO

... contra holornan desagradabel... proteccion sin ningun holor medicinal... Norforms a worde di test den hospitalnan y a proba di por ofrese:

### PROTECCION POSITIVO

... cada vez di nobo. Norforms ta masha facil y combiniente pa usa. Djies insertá- nada di aparato, mezclamentoe of midimentoe. Sin vet y herméticamente seyá. Norforms ta keda bon den cualquier clima. Busca nan na bo botica den cahita di 6 of 12.

Di test pa dokternan... confiá pa mujernan... probá den hospitalnan.



### GRATIS

Muestra y boeki informativo. Post e coupon aki awor mes.

ARUBA TRADING CO. Oranjestad

NUMBER:..... DIRECCION:..... AC



Riba e foto aki nos por mira "Los Supersonicos" cu otro siman diahuebes dia 13 di augustus lo jega Aruba pa duna varios actuacion. Los Supersonicos por ser mira tur atardi via Radio Caracas Television. Na Venezuela nan ta ser jama "The Beattles Venezolano". Nan a ser busca pa Commandeursbaai Club mientras cu nan presentacionan lo ta na encargo di Sr. Addison Croes.

## Trio di arbitro Antiyano na Venezuela


(Di nos redactor deportivo) Siman pasa a viaha pa Caracas, ariba invitacion di e Liga di Futbol Profesional di Venezuela, un trio di arbitronan antiyano pa dirigi e partido final di e liga mayor.

E encuentro aki a tuma luga diarazon anochi den e stadion di Ciudad Universitario y tabata entre Deportivo Galicia y Tequire Flores. E dos equiponan aki a termina e temporada profesional na Caracas empata den e promer luga y mester a hunga un playoff pa dicidi e dos prome lugarnan. E diadomingo promer Deportivo Galicia a gana cu anotacion di 2 pa 0.

Pa e Segundo partido di e playoff diarazon anochi, a worde invita un trio di arbitros for di Antiya Hulandes. A worde designa pa bai e biaha aki Wal-

ter van Rosberg di Corsow y Frans Figaroa y Jonchi Fingal di Aruba, esta un di Corsow y dos di Aruba. Como referi a actua van Rosberg y e otro dosnan tabata hueznan di linea. E partido a termina den un empate di dos gol pa banda, loke tabata basta pa Deportivo Galicia clasifica como campeón. Completa su parti di e programa Aruba Jrs tin seis gana y un perdi faltando un solo weg pa completa. Den caso di un empate den e promer luga lo bin un playoff entre nan dos. E segundo partido di e anochi tabata di e division B masculino entre Victoria y Estrella. E muchanan di Sta. Cruz a termina victorioso cu anotacion di 36 pa 27, resultando C. Faarup di Victoria e mihor anotador cu 22 punto. Pa Estrella tabata e mihor A. Croes cu 10 puntos.





Bestuurscollege di Aruba, Diabierne mainta ultimo a haci un bishita na e "Isla di Oro" di señor Doochi Oduber. Esaki ta un proyecto particular di señor Oduber. Ariba un isla un 150 meter for di costa di Pos Chiquito el a traha un restaurant y lugar di baile den forma di un bapor. E bishitantenan a keda sumamente sorprendi di e grandura y e buntiza di e lugar. Ariba e foto ariba nos ta mira e representantenan di B.C. y ellandsraad ariba e piso ariba di e edificio, na banda robez nos ta mira den combersacion cu señor Boochi Oduber, (di dos di robez), deputado F.J. Tromp, Gezaghhebbber interino I.S. de Cuba y Secretario di teritorio, A.J. Boel, mientras cu masna drechi nos ta mira deputado D. Mathew, señor Jose Geerman, A. Werleman (U.N.A.) señor E. Finck, sr. L. Croes. E otro foto ta muestra nos deputado D. Mathew subiend e di dos piso y e deputado Tromp cu gusto a yuda maneha e ponton pa yega na terra atrobe.



## Brokke-Henriques campeon dobbel A klasse

(Di nos redactor Deportivo)  
Diasabra atardi a worde hunga ariba Lago Sport Park e finale di e campeonato di tennis dobbel masculino clase A. A topa otro den e finale e team di Janny Brokke cu Vicky Henriquez Jr y esun di Jose y su yiu Stanley LaCruz.

Tabata un partido cu a bai hopi pareew. Promer set a worde gana door di Brokke y Henriquez cu score di 7 pa 5 y

den e segundo nan a ripiti - pero cu score di 6 pa 4. Asina Brokke y Henriquez a bira campeon den dobbel clase A, mientras cu e team di famia LaCruz a keda subcampeon. Majan, diamars, 11 di augustus, lo worde hunga na Lago Sport Park, e finale di singles masculino clase A entre Janny Brokke y Nel Harms. Pa motibo di ausencia di Harms, e finale aki no por a worde hunga promer.

## di baseball Resultadonan

Durante e ultimo siman a tuma luga diferente partidonan di baseball local. Den clase A Mapleton a derrota Wilson cu anotacion di 11 pa 3, conectando total di 13 hit y cometiendo 3 error. Wilson tabata tin 4 hit y cinco error. Pitcher ganador tabata O'Reilly y perdedor F. Vrolijk.

Otro partido di e division aki tabata entre Little Rock y Erres, resultando Little Rock ganador cu anotacion di 17 pa 3. E hitnan conecta tabata respectivamente 7 y 3 y e erronan

cometi 2 y 8. Pitcher ganador tabata R. Rasmiijn, perdedor J. Illidge.

Den AA Verf Antillana a gana di Winston cu score di 11 pa 5. E debutantenan di AA tabata tin actuacion di 10 hit conecta y 4 error cometi. E novena cigarillero di Sta. Cruz a conecta 6 hit y pifa den cuatro ocasion. I. Richardson tabata e pitcher ganador, mientras cu A. Angela a worde carga cu e derrota.

## Conferencia di paisnan no uni

VIENTIANE, 10 Aug. - Segun fuentenan diplomatico na Vientiane, prome minister neutralista di Laos, principe Soevanna Phomma a bai di acuerdo cu proposicion di principe Soephanoevong, lider di Pathet Lao pro comunista, pa tene deliberacionan na Paris, caminda tambe e lider dje agrupacion derechista na Laos, general Phoeni Nosavan, meste participa. E conferencia aki tabata pa worde tene riba proposicion di principe Soephanoevong dia 24 di Agosto proximo den capital Frances. E bosero a llama e acuerdo aki un triunfo diplomatico pa Francia. Manera conosi general De Gaulle a insisti riba neutralisacion di Laos Vientiane y Camboja. Segun e bosero te ainda no ta stipula, si Inglatera y Rusia, como presidentenan dje conferencia di Ginebra, di 1962 tocante Laos, y tambe India, Canada y Polonia como miembronan dje comision internacional di control, lo ta representa como observadornan ne deliberacionnan na Paris. E deliberacionnan entre e lidernan dje tres agrupacionnan na Laos, tocante un luga pe conferencia ya a tumia dos luna caba.

## Chroesjev di: Nos lo caba cu kapitalismo

MOSCU. - 10 Aug. Si imperiali stanan purba di desencadena un guerra, e guerra aki, lo trefe hopi sacrificio y amargura pa pueblonan di mundu, y lo finalisa riba un destruccion completo di kapitalismo, segun prome minister Chroesjev a declara den un discurso na Rusia. E lider Ruso, condena e accionnan agresiva contra republica democratico di Vietnam. E bapornan Mericano di guerra, a penetra den awanan teritorial di Vietnam del Norte y avionnan Mericano a viola e espacio aerea Noord Vietnam y a bombardea luganan y finnan militar ne costa.

Chroesjev a termina: "Nos kien avisa tur esnan cu ta ninga d biba den paz y respeta independencia di pueblonan, pa no intremete den asuntunan interno di otro paisnan. Asina cu nan por mira, cu den nos tempu no por biba mas manera antes. E pueblonan no kien biba manera den pasado. Nan no kien ta esclavonan di kapitalismo y tampoco di colonialismo, segun prome minister Chroesjev.

## Ulandesnan ke manda bapo pa Indonesia

DJAKARTA. - 10 Aug. Un bosero dje asosacion di conseheronan comercial na Djakarta a participa cu a ser papia tocante un proposicion di comerciantenan Indones pa usa bapornan Ulandes enbes di bapornan Britanico. Pero segun Reuter te ainda nan no a llega pa un desicion. Dr. Sjaeroel Saleh e di tres prome minister interino di Indonesia, poco ten pasa abisa despues di un reunion cu minister Luns, cu Indonesia tin idea di cambia su actividadnan comercial y economico atrobe pa Ulanda.

Akinan segun e minister, el a pone tambe navegacion. Circulanan oficial Ulandes na Djakarta a bisa cu un cantidad di companianan na Ulanda kien manda bapornan pa Indonesia. Maske cu nan no ta hanja posibel den futuro un cambio di bapornan Britanico pa bapornan Ulandes door di comerciantenan Indones. E circulanan menciona ta kere, cu ambiente amistoso cu tabatin durante e bishita di minister Luns na Indonesia, a conduci hopi pe speculation aki.

## Zech Nenntwich: nan no a yudami

HANNOVER, 10 aug. - Ex hefe di SS Walter Zech Nenntwich, cu diabierne pasa di su propio voluntad a entrega su mes na justicia di Alemania occidental, ayera na su prome interrogacion a declara cu na su escape di prison na Brunswick no a wordu yuda di ningun manera pa un agrupacion di ex oficialnan di Wehrmacht. Algun ten pasa el a insinua lo contrario pa tapa e personanan mes cu a yudele escapa.

## Abuela di Kennedy a muri

BOSTON 10 Aug. - Amuri riba edad di 98 anja senjora J.F. Fitzgerald, abuela di defuntu presidente Kennedy y viuda di "Honey" Fitz Fitzgerald, ex alcalde di Boston. E tabatin seis jiu entre kende e mama di e ex president Mericano.

## NAVU ta royeer Juventud y ta suspende Bonaire

Ayera a worde teni den Basiruti un reunion general di NAVU e Federacion Antillano di Futbol. Prome cu e reunion directiva di NAVU a tene un reunion cu directiva di Juventud Millonarios den cual segun informacion cu nos obtene a worde existi door di NAVU pa Juventud reconoce cu nan ta miembro di NAVU. E miembronan di directiva di Juventud presente no a reconece esaki ya cu niden statuten di AVB ni den statuten di NAVU ta worde haci mencion cu un club manera di Juventud ta afilia na NAVU tambe. Juventud ta alega cu nan ta afilia unicamente na AVB y na ningun otro bond mas. E reunion aki entre dirigentenan di NAVU y di Juventud a worde teni ariba invitacion di NAVU. Poco despues di esaki a worde

teni e reunion general durante cual a worde trata e asunto di Juventud y aki den a cai e decision cu como Juventud no ta desea di reconece cu nan ta afilia na NAVU nan ta worde saka for di NAVU. es decir cu nan tin di worde saka tambe for di AVB como miembro di e organizacion aki. Segun nos informador esaki ta nifica cu Juventud Millonarios lo kibra y lo stop di existi. Di otro banda nos a worde informa cu esaki ta un paso cu no ta toka Juventud ya cu Juventud no ta afilia na NAVU y consecuentemente no por wordu saka for di un organizacion den cual e ta pertenece. Tambe e paso aki ta nifica cu e caso di Kortgeding awe mainta contra di AVB lo tuma luga ya cu e ultimo speranza di cu e caso no worde trata dilanti di huez den

promer instancia a keda agota. Tambe a worde dicidi den e reunion aki cu Bonaire ta worde suspendi pa durante seis luna pasobra nan a bin participa na Aruba durante ASU olimpiada. E bond di Bonaire a worde presenta dene reunion pa su president Toon Abrahams. Tambe e caso aki ta causa poco strango debi na cu segun e declaracion nan haci door di e president di Bonairiaanse Voetbal Bond na Aruba durante ASU olimpiada tabata cu BVB no ta afilia na NAVU. Durante e reunion general aki a worde reeligi como miembronan di directiva Mordy Maduro y Mateo Reyes mientras cu e presidentnan di CVB y AVB Walter van Rosberg y P. Croes cualitate cu a bolbe drenta directiva di NAVU.



# Inauguración di temporada di futbol

Cu participacion di un total di ocho club, di cualnan ocho cu un madrina, tabata tin un desfile den Wilhelminastadion diasabra anochi na ocasion di inauguracion di e temporada oficial di futbol pa aña 1964/1964. E desfile tabata encabesa pa e drumband di Marinierman di Savaneta Kamp, y sigui pa e president di A.V.B. Porfirio Croes. Den e siguiente orden defila SportBoys, North Stars, Brazil Jrs, Arsenal, Jong San Nicolas, R.C.A., S.C.A. di Paradera y Estrella. Despues cu e clubnan a para cu cara pa e tribunanan e shete madrinanan cu a defila cu nan clubnan a worde presenta uno pa uno na e publico.

E shete madrinanan tabata senjoritas: Lucia Werleman di Sport Boys, Yolanda Brete di R.C.A., Editha Josefa di Jong San Nicolas, Edwina Jansen di S.C.A., Filomena Mercheda di Brazil Jrs, Johanna Wernet di Arsenal, y Teresita Figaroa di North Stars. Cada un di e candidatanan a dirigi algun palabra na e publico. Un hurado di cinco persona a eligi Srta. Filomena Marchena como Madrina di A.V.B. resultado di e eleccion a worde participa durante halftime di e partido inaugural entre R.C.A. y SportBoys.

E ultimo punto di e programa di apertura tabata un discurso di e presidente di A.V.B. P. Croes, kende a muestra cu e anochi ey ta algo hopi significativa pa e deporte di futbol. Sumamente satisfecho e presidente ta cu e clubnan cu a haci acto di presencia na e desfile y cu tambe a sabi trece nan candidata pa competi pa Madrina di A.V.B.

"Ta keda comproba awe noch, cu apesar di tur clase di esportu y maniobranan haci pa stroba, tog ta e deporte di futbol ta esun di mas popular ariba Aruba", e president di A.V.B. a bisa. Y el a prosigi, "Mt ta pidit tur e deportistanan pa mantene e principionan di un bon deportista, esta di cu e ganador gana cu honor y cu e perdedor demuestra semper di ta tambe un bon perdedor. E clubnan cu no a presenta awe noch pa e desfile a demostra di no ta sinti pa nan deporte, y mi ta confia den esunnan cu si a presenta pa sigi duna nan apoyo na A.V.B. Mi ta termina deseando tur exito y bon suerte", tabata palabranan expresa door di e presidente di A.V.B. promer cu el a declara e competitie habri. Despues di esaki referi Freddy Baptist, a companja di hueznan di linea Tony Chirino y Henk Delprado a subi tereno. E dos oncenanan di R.C.A. y Sportboys a subi poco despues, haci tos y tuma nan respectivo mita di tereno. Luego a subi tereno Srta. Myrna Schwenge, Reina di Deporte di Aruba acompaña door di e presidente di A.V.B. Door di e hueznan e Reina di Deporte a worde

saluda y luego tambe e dos capitannan di e equiponan a worde presenta na e Reina. Esaki oficial a worde haci door di Myrna den un forma experta. R.C.A. VERSUS SPORTBOYS. Tabata exactamente 8.35 ora cu e arbitro a duna e senjal pa e cuero cumintza lora y asina e temporada di futbol 1964/1965 a principia.

SportBoys haciendo su debut den hoofdklasse, a presenta e siguiente alineacion: Keeper Pedro Geerman, backnan Bernardo Lee, Marcial Acosta y Girigorio Briezen, volantenan Mario Geerman y Eddy Ras, delanteronan Boei Geerman, Odulio Geerman, Felix Geerman, Benito Werleman y Dama Werleman. R.C.A. a presenta cu como keeper Feki Caster, backnan Angel Krozendijk, y Edwin Dirks, halfnan Simon Lampe, Tony Tromp y Adresito Bikker, delanteronan Jacobo Pourier, Foyito Alberts, Cheppy Ras, Jose Boye y Juchi Jansen.

Den e alineacion a aparece nada menos cu cuatro caranan nobo cu aña pasa a forma parti di otro equiponan. Esakinan ta Angel Krozendijk di Tropical, Bikker di Estrella, Pourier di Juventud y Cheppy Ras di Lucky Star.

Ni ariba banki di suplentenannos a mira caranan conoci manera Cai Helder, kende segun informacion cu nos tin a retira y Evenio Gonzalez, kende a pasa pa e equipo di A-klasse S.C.A. di Paradera.

Hungando cu hopi cuidao e dos oncenanan ta cumintza ta studia otro den e promer parti di e partido. Ambos defensa ta logra diez minuut largo debilbe sin dificultad algun e promer atakenan. A transcuri 12 minuut promer cu un bon shot a worde haci ariba un di e golnan. Tabata door di midvoor Felix Geerman di Sportboys cu a pone un fuerte shot directamente den man di portero Feki Caster.

Algun minuut despues tabata tin otro bon momento di e hobenan di Sportboys. Un handsbal contra di R.C.A. ariba aladrecht ta worde tuma door di e ale-ro Boei Geerman. Su voorzet bon coloca ta worde contra door di Odulio Geerman y ta cu rapido reaccon Feki Caster ta logra desvia e bala net basta

pa e sali corner. E promer corner di e temporada.

R.C.A. ta logra trece e bala cu basta frecuencia ariba e mita di tereno di su contrarionan, pero e defensa di SportBoys, den cual ta luct den e promer mita e back central Mareta Acosta cu hugadanan oportuno, ta haci bon trabao eliminando e atakenan sistematicamente. En cambio e avancen di e delanteronan di SportBoys ta dunando e defensa tricolor mas dolor di cabes. Linksinnen Werleman ta pone un shot skerpi cu a cruza diagonalmente dilanti di e gol tricolor. Otro shot tabata hiba mal intencion pa e gol cuida door di Feki Caster. Luego rechtsbuiten Boei Geerman ta pone un shot halto den skina cu e portero Caster a logra tene den bon forma. Sin anotacion e promer tempo a termina.

Despues di a logra contene e atakenan di R.C.A. durante henter e promer mita exitosamente e defensa di SportBoys ta sucumbi por completo den e segundo tempo. R.C.A. su delanteronan a cumintza ta habri nan atakenan mas hopi ariba e alanan y esaki tabata pone rapido y skerpi coorzet cu tabata sorprende e defensa contrario. Apenas tres minuut tabata tin di wega di e promer tempo ora cu R.C.A. ta anota e promer gol di e campeonato. For di alarobes tabata tin un voorzet cu a worde manda aden door di debutante midvoor Cheppy Ras, kende tabata completamente liber.

E linea di atake di SportBoys no ta efectivo manera den e promer mita. Defensa di R.C.A. ta coordina mihor awor y ta detene e atakenan na ora sin cu keeper Caster tin di drenta den accion.

Un freekick contra di SportBoys ta worde cobra den di 20 minuut door di Juchi Jansen algun meter pafor di doelgebied. Su shot ta pasa net over di e barrera forma y ta bai den skina sin cu keeper Pedro Geerman por a haci mucho pa detene. Score 2-0 pa R.C.A.

Gol number tres di R.C.A. tambe ta producto di Juchi Jansen ora cu e ta schuif un voorzet for di aladrecht net for di alcance di e portero Geerman. Y apenas tres minuut despues e scoreboard ta move atrobe pa R.C.A. Un corner tuma ariba aladrecht ta trece un scrimmage dilanti di e gol di SportBoys. E bala ta salt for dilanti di gol, loke aparentemente tabata muestra cu e peltger ta elimina. Pero for di algun meter pafor di doelgebied, Jose Boye

di R.C.A. ta pone un shot cu vta e poste di gol ta bai den net pa pone e score na 4-0. Cu e anotacion di 4-0 den favor di R.C.A., cu asina a obtene su dos promer puntonan di e campeonato, e partido a termina.

Di e partido nos por bisa Sport Boys a haci masha bon impresion den e promer mita di wega, pero a sucumbi den e segundo dilanti di e mihor coordinacion di e delanteronan contrario. R.C.A. a principia bon cu e triunfo aki, cu mesora ta establece un confianza den

e caranan nobo. Un publico hopi numeroso a presencia e programa di inauguracion aki. Si durante e resto di e temporada por worde conta cu sikiera mita di loke tabata presentatasa anochi den Wilhelminastadion, anto lo por conta cu un progreso enorme den interes di parti di e publico pa futbol.

Den e ere-tribune nos a nota e miembro di staten y eilandsraad F. Finck y tambe diferente miembronan di directiva di N.A.V.U. y C.V.B. cu a bin Aruba pa e reunion general di N.A.V.U. teni ayera.

## RCA casi campeon di division

(Di nos redactor deportivo)

Diabierne anochi e dos equiponan di basketball junior di Aruba Jrs R.C.A. a enireña otro den un importante partido di division aki. R.C.A. te promer cu e partido tabata invicto den shete salia y un triunfo pa nan e anochi ey lo a nifica e titulo di campeon di e division. Aruba Jrs cu unicamente un derdota, hustamente contra di R.C.A. den e promer rond, a bin dispuesto pa tuma revancha y mantene su chensnan campeonil. Nan a logra den esaki derrotando R.C.A. cu score di 25 pa 18. Mior anotador di e partido tabata Franky Zaandam di Aruba Jrs cu 14 punto. Pa R.C.A. tabata tin mior punteria

e anochi R. Petronia cu 9 punto. Awor entre e dos equiponan muy probablemente lo surgi un empate den e promer luga. Tambe nos a worde informa cu muy probablemente den e reunion general di NAVU ayera, e decision di directiva pa suspender Juventud, suspension cual Juventud no ta reconoce worde anula.

E abogado di Juventud, Sr. J. H. Wix, a informa nos ayera cu den caso cu esaki sosede y Juventud worde poni den e programa di hoofdklasse 1964/1965 cu a cumintza diasabra anochi den Wilhelminastadion, anto e caso di kort geding anuncia pa awe mainta 8.30 lo worde anula, riba peticion di Juventud.

## Rebeldenan a rendi na Sur Celebes

DJAKARTA, 10 aug. - Segun anuncia awe na Djakarta, poco ten pasa dos mil revolucionario a reuni na Sur Celebes ne trupan di gobierno. E entrega a tuma luga despues di un bringa-

## Cifranan a bruha

ORANJESTAD, 10 Aug. - Den nos edicion di Diabierne dena articulo tocante di e batalla pa camanan tin algun cifra cu na cierto momento a bruha door di otro. Caminda nos a pone cu Frans Caribbean por trece 1.200 pasahero pa siman tabata un error. Esaki mester ta cu e varios companianan di aviacion por trece un total di 1.200 pasahero, esta T.C.A. cincu cien pa siman, Panam tina posibilidad pa trece mas ainda y A.L.M. algun cien. E cantidad di camanan disponible den e hotelnan categoria mas halto manera nos a muestra claramente ta 375.

mento serio, caminda tambe mas di 5000 habitante di pueblo a tuma parti. E accion contra e ultimo fuente di resistencia contra e gobierno central aki a ser haci despues di un decision di president Soekarno, cu dia 17 di agosto, dia di Independencia Indones, seguridad den henter e pais meste wordu restablece. E consejo general di e aliansa mundial Presbyteriano awe a acepta un proyecto di resolucion den cua ta ser insisti riba stipulacion di un fecha fijo pa Pascu di Resurreccion. E resolusion ta duna e 96 iglesianan miembro derecho di trese e proposicion cu urgencia dilanti e cerca Nacionnan Uni y ne consejo mundial pa iglesianan.

E torneo anual di Volleyball organisa door di Lago Sport Park ta worde anuncia pa otro luna den curso di e promer siman. Ultimo fecha pa haci e inscripcion necesario ta dia 25 di augustus. Equiponan interesa por haci nan inscripcion cerca Bo Martin, Mateo Reyes, kendenan ta miembronan di directiva di Lago Sport Park. Tambe cerca dos caballeronan aki mas informacion por worde obtene. E torneo lo ta den e division Caballeros clase A y B. y da mas, solamente un clase.

## E. Finck ta manda telegram na Maduro

(Di nos redactor deportivo)

Den un telegram manda diabierne pa e presidente di N.A.V.U. Mordy Maduro na Corsow, e conocido politico Ernest Finck, miembro di staten y eilandsraad pa P.P.A., a haci un suplica urgente en relacion cu e conflicto entre A.V.B. y Juventud Millonarios, cu a worde anuncia pa awe mainta worde trata un biaha mas door di Huezden Promer Instancia Mr. J. M. van Koot.

E telegram ta bisa textualmente "Mi ta haci na interes di deporte na Aruba un apelacion urgente na Bo Directiva pa evita necesidad di cu conflicto deportivo mester bai dilanti di Huez atrobe Stop. Fabor propone Reunion General diadomingo pa tuma decision cu cual ta worde teni cuenta cu e decision di comision di arbitraje".

Akt den pues e remitente, kende a expresa di no a manda e telegram como politico sino como un di e hopi personanan cu ta

preocupa cu e forma cu problemanan deportivo ta worde trata, ta muestra claramente cu NAVU ta haci malo di no haci caso di e decision di comision di arbitraje. Halando nan atencion ariba e decision di comision di arbitraje, Sr. Finck ke bisa e autoridadnan di futbol di Antillas y di Aruba en especial cu mester respeta y acepta e decision di Comision di Arbitraje. Tanto statutan di NAVU como di AVB ta prescribi cu decision di un comision di arbitraje nombra door di e dos partidonan den conflicto ta final. Segun informacionnan cu nos tin directiva di Juventud Millonarios a worde invita pa presenta dilanti di directiva di NAVU ayera.

Segun informacion obtene e trio Antillano no tabata tin problema den direccion di e partido, mientras cu e prensa Caraqueña tabata tin palabranan di elogio pa e forma den cual e partido a worde dirigi.



Diabierne anochi tabatin un recepcion especial, organisa pa compania di seguro FATUM na ocasi di despedida di su hefe señor P. Verheydt, kende a hanja promocion y translacion pa Surnam. El sucesor señor Dekker a worde presenta na circulo grandi di clientenan di e compania. Di rob pa drechi nos ta mira sr. y sra. Verheydt sr y sra. Dekker kendenan ta worde saluda pa señor de Jager, ex-comisario na Aruba. E recepcion anima y asisti pa un gran cantidad di prominentnan di nos comunidad tabata na Aruba Caribbean Hotel. Entre otro nos a mira ministronan Petrus y Beaufon, representantenan di cuerpo consular, comercio, clero, dokternan y lo demas.



E ta sigui....

**KIP KIRBY**

pa cortesia di:

**JAN BODEGOM & CO (ARUBA) N.V.**

Agente exclusivo di

**FRIESCHE VLAG**



lechi evaporado y lechi en polvo

**MAXWELL HOUSE KOFFIE.****CISCO KID**

pa cortesia di:

**ARUBA BOTTLING COMPANY**

NESBITTS den varios sabor, e refresconan mas pidi y mas gusta na Aruba.

**BUCHI ROBEZ****PEPITA**

with compliments of



**OFICINA MARITIMA DE ARUBA**

DOCUMENTATION &amp; TRANSPORTATION

FOR INCOMING, LOCAL &amp; OUTGOING CARGOES BY AIR, SEA AND LAND

**DICK TRACY**

presenta pa cortesia di

**VICTORIA BOTLING COMPANY**PEPSI-COLA --- SEVEN UP --- GRAPETTE - KIST -- VICTORIA SODA WATER ---  
BUFFALO ROCK --- GINGER ALE ---**Horoscopo personal**

**ARIES**-21 di maart-20 di april-  
No laga ningun bicio den bo caracter gulabo actividadnan. Responde na e voz di e integridad personal.

**TAURO**-21 di april-21 di mei-  
Saca probecho di e inteligencia di otro personanan pa bo por comprende loke ta bai sosode e dia aki.

**GEMINIS**-22 di mei-21 di juni-  
Esaki ta un dia compo di dos mitar. E prome parti lo ta extremadamente venturosa y e segundo mas o menos regular.

**CANCER**-22 di juni-23 di juli-  
Escohe libremente y cu naturalidad e cosnan lo sali bon. No bira nervioso.

**LEO**-24 di juli - 23 di augustus-  
Quizas ta convinibo observa e metodonan cu bo compañoonan di trabao ta usa. Nan por ascendebo.

**SPAAR Ariba bo TYRENAN****CUMpra E MEHOR CUMpra TYRE****DUNLOP****MAS BON NO MAS CARO.**

Agente na Aruba:

**N.V. WARENHUIS VAN DER REE**

Oranjestad - tel. 1213

**VIRGO**-24 di augustus-23 di september-  
Explica bo caso cu confianza. Di e manera aki lo bo logra impresiona bo patronnan.

**LIBRA**-24 di september-23 di october-  
Ta masha probable cuibra tin dificultadnan den su cas. Evita cu e cosnan lo bira mas complica mientras bo ta permanece tranquil.

**ESCORPION**-24 di october-22 di november-  
Nan mester estimulabo pa realisa un labor excelente e dia aki den cualquier tarea cu bo tin por delante. Esaki lo ta un dia perfecto si Escorpion ta di tono.

**SAGITARIO**-23 di november-22 di december-  
Trata di obtenetur loke bo tabatin pensa pa e dia aki. Domina bo mes y tin cos lo worde alcanza.

**CAPRICORNIO**-23 di december-20 di januari-  
Bo ta capaz di controla cualquier pleitu cu surgi den bo cas. Sea diplomatico.

**ACUARIO**-21 di januari-19 di februari-  
Busca bo propio pasado pa haña e solucion di bo actual problemanan.

**PISCIS**-20 di februari-20 di maart-  
Mantene un aire di inocencia sea cual tabata e cosnan cu lo pasa e dia aki.